



REPUBLIKA E SHQIPËRISË

BASHKIA BERAT

RELACION

PËR MIRATIMIN E BASHKEFINANCIMIT TE PROJEKTIT “HEVON IPA INTERREG SOUTH ADRIATIC”

Të nderuar Këshilltarë!

Bashkia Berat është përfituese e projektit HEVON, Vaj Extra i Virgjër me Cilësi të Lartë dhe Rrjeti i Ndërmarjeve të Vogla të Mesme Konkurruese, Interreg IPA South Adriatic ”.

Objektivat e Projektit

- Krijimi i Platformës HEVON B2B. Një sërë mjetesh të synuara për aktorë të ndryshëm për të rritur konkurrueshmërinë dhe për të nxitur bashkëpunimin dhe marrëdhëniet e tregut.
- Programe trajnimi: workshop të fokusuara në marketing, komunikim, dixhitalizim dhe ndërkombëtarizim.
- Takime B2B dhe Forume Biznesi: mundësi rrjetëzimi për palët e interesuara përmes një platforme të hapur online.
- Aktivitete ndërgjegjësimi: ngjarje degustacioni, fushata publike, materiale edukative.
- Strategji dhe Plan Veprimi i Përbashkët: një qasje e unifikuar për të promovuar HEVON në rajonin e Adriatikut Jugor.

Mbi 200 palë të interesuara kryesore, duke përfshirë prodhuesit e vajit, restorantet, studiuesit, administratat publike dhe konsumatorët në të gjithë rajonin e Adriatikut Jugor, do të përfitojnë nga një qasje ndërkufitare që kombinon metodat tradicionale me teknikat moderne si dixhitalizimi dhe marketingu inovativ, së bashku me një fokus të fortë në qëndrueshmëri dhe bashkëpunim ndërkufitar.

Ky projekt do të zgjasë 30 Muaj deri në Dhjetor 2027, vlera totale e projektit për Bashkinë Berat është € 130.032,00 nga të cilat Bashkia Berat do të bashkëfinancoj me shumën 15%, €19.504.

Faleminderit,

KRYETARI I BASHKISË
Ervin CECA



REPUBLIKA E SHQIPËRISË

BASHKIA BERAT

RELACION

“PËR

MIRATIMIN E PROJEKTMARRËVESHJES PËR KRIJIMIN E PERSONIT JURIDIK SI SUBJEKT I KOMPETENCAVE TË PËRBASHKËTA MIDIS NJËSIVE TË VETËQEVERISJES VENDORE DHE KËSHILLIT TË MINISTRAVE PËR RRITJEN E KAPACITETEVE TË QEVERISJES VENDORE, AKADEMIA E TRAJNIMIT TË NJËSIVE TË VETËQEVERISJES VENDORE TË REPUBLIKËS SË SHQIPËRISË (TALGA) DHE MIRATIMIN E FINANCIMIT TË BASHKISË BERAT PËR ANËTARËSIMIN DHE PAGESAT NË AKADEMINË E TRAJNIMIT”

Të nderuar Këshilltarë !

I. Qëllimi i projekt vendimit dhe objektivat që synohen të arrihen

Ligji nr.139/2015 “Për Vetëqeverisjen Vendore” ka përcaktuar funksionet e NJVV-ve dhe të drejtën dhe detyrimin për trajnimin e zyrtarëve (punonjësit dhe të zgjedhurit vendorë) në mënyrë që ato të ushtrojnë këto funksione sipas ligjit, standarteve, me efektivitet, efikasitet dhe në përputhje me strategjitë dhe prioritetet kombëtare, si dhe me standardet e BE-së. Në ligj parashikohet trajnim sistematik dhe buxhetor i stafit të NJVV-ve. Në këtë kuadër, kryetari i bashkisë duhet të marrë masa për kualifikimin dhe trajnimin e personelit të administratës, të institucioneve arsimore, sociale, kulturore e sportive (Neni 64/h), ndërkohë këshilltarët kanë të drejtën e formimit profesional, sipas një programi të miratuar nga këshilli bashkiak (Neni 51/4).

Ky projekt vendim ka si qëllim mundësimin e zhvillimit dhe kualifikimit profesional të qëndrueshëm të të zgjedhurve, nëpunësve civilë dhe punonjësve të tjerë të bashkisë.

Ky projekt vendim ka si objektiva:

- Krijimin e mundësive për ushtimin e përgjegjësive ligjore të këshillit bashkiak dhe të kryetarit të bashkisë për zhvillimin dhe kualifikimin profesional të qëndrueshëm të të zgjedhurve, nëpunësve civilë dhe punonjësve të tjerë të këshillit të qarkut.
- Zbatimin e Strategjisë Ndërsektoriale për Decentralizimin dhe Qeverisjen Vendore 2023-2030.
- Zbatimin e Dokumentit Kombëtar të Politikave dhe të Strategjisë për Administratën Publike.
- Aftësimin e zyrtarëve të bashkisë për të përballuar sfidat dhe kërkesat e procesit të integritetit të Shqipërisë në Bashkimin Evropian.
- Krijimi i një strukture të dedikuar për aftësimin, kualifikimin profesional dhe trajnimin e zyrtarëve të bashkisë.

Nga pikëpamja organizimit dhe funksionimit, projektvendimi krijon premisat e nevojshme ligjore për krijimin e një personi juridik si subjekt të kompetencave të përbashkëta (SPK) në përputhje me parashikimet e Ligjit nr.139/2015, neni 14 pika 5. Kështu, dy ose më shumë njësi të vetëqeverisjes vendore, brenda një qarku apo midis qarqeve të ndryshme, si dhe me institucione të qeverisjes qendrore, mund të lidhin marrëveshje të përbashkët për krijimin e një personi juridik të ndarë nga palët, të cilit i japin autoritet dhe kompetenca të caktuara. Në kuptimin e këtij ligji, ky person juridik quhet subjekt i kompetencave të përbashkëta. Palët përcaktojnë ndihmesa financiare, ndihmesa me shërbime, ndihmesa me pajisje dhe me punonjës të kualifikuar ose çdo aset tjetër i nevojshëm për përmbushjen e objektivave të SKP.

Ligji parashikon të drejtën për të krijuar person juridik dhe në linjë me parashikimet e Kodit Civil (nenet 24 dhe 26), personi juridik mund të jetë edhe shoqëri, shoqatë, fondacion dhe ent me karakter privat, të cilat e fitojnë personalitetin juridik në mënyrën e caktuar nga ligji.

Nisur nga fakti që në këtë subjekt të kompetencave të përbashkëta angazhohen të ndërliken dhe ndërveprojnë nivele të ndryshme të qeverisjes (qendrore dhe vendore), propozohet të krijohet një Organizatë Jo-Fitimprurëse (OJF) në përputhje me Ligjin nr.8788/2001 “Për organizimin dhe funksionimin e OJF-ve”, ndryshuar. Ky opsion ka të njëjtën referencë ligjore si modeli i SHA-ve të Ujësjellës-Kanalizimeve, dhe ofron pavarësi në vendimmarrje dhe financim.

Kjo bazë ligjore mundëson krijimin e një OJF-je që garanton pavarësinë qeverisëse, funksionale, financiare dhe akademike, si dhe siguron qëndrueshmërinë afatgjatë të saj, lejon fleksibilitet në mbledhjen dhe menaxhimin e fondeve nga burime të ndryshme përfshirë donatorët, ndërkohë që garanton përfshirje të barabartë të aktorëve të qeverisë qendrore dhe atyre vendore në qeverisjen, politikëbërjen, vendimmarrjen dhe financimin e saj.

II. Vlerësimi i projekt aktit në raport me politikat dhe prioritet e bashkisë dhe të Qeverisë së Shqipërisë.

Vetëqeverisja vendore është shtyllë themelore e funksionimit të një shoqërie demokratike dhe e zhvillimit ekonomik e shoqëror të vendit, dhe garanton qeverisje të efektshme, efikase dhe në një nivel sa më afër me qytetarët. Suksesi i procesit të decentralizimit dhe i ushtrimit të autonomisë vendore varet, ndër të tjera, edhe nga cilësia e hartimit, zbatimit dhe moniorimit të politikave të bashkisë, cilësia e shërbimeve të ofruara nga bashkia dhe aftësia e bashkisë për t'ju përgjigjur cilësisht nevojave dhe tendencave zhvillimore në nivel vendor, varen në një masë të madhe nga njohuritë, aftësitë, sjelljet dhe profesionalizimi i të zgjedhurive vendorë, i nëpunësve publikë të administratës së bashkisë si dhe i punonjësve të institucioneve, enteve dhe ndërmarrjeve në varësi të bashkisë.

Vetëqeverisja vendore në Shqipëri përballlet me sfida të konsiderueshme në menaxhimin efektiv të burimeve, hartimin dhe zbatimin e politikave për zhvillimin e qëndrueshëm të territoreve dhe komuniteteve, si dhe ofrimin e shërbimeve cilësore për qytetarët. Procesi i decentralizimit të funksioneve tek bashkitë si dhe rritja e kërkesave për shërbime nga qytetarët dhe komunitetet e bëjnë të domosdoshme rifreskimin, përmirësimin dhe avancimin e njohurive dhe aftësive të zyrtarëve vendorë. Gjithashtu edhe politikat kombëtare për të modernizuar administratën publike si dhe për të digjitalizuar qeverisjen dhe shërbimet administrative, bëjnë të domosdoshme kualifikimin, profesionalizimin dhe modernizimin e administratës publike të NJVV-ve.

Trajnimet për zyrtarët e NJVV-ve janë ofruar nga subjekte të ndryshme shtetërore dhe në një masë të madhe nga programet e huaja të asistencës teknike, por këto trajnime kanë qenë sporadike, nuk kanë qenë të qëndrueshme dhe në përputhje me nevojat konkrete të NJVV-ve. Trajnimet nuk janë ofruar për të gjitha funksionet e NJVV-ve, dhe për më tepër kanë lënë shpesh jashtë vëmendjes të zgjedhurit vendorë dhe punonjësit jo-nëpunës civil të NJVV-ve. Trajnimet janë fokusuar kryesisht në përmbushjen e nevojave të përgjithshme horizontale, duke mos adresuar në mënyrë të gjerë dhe të thelluar temat vertikale që lidhen me funksionet dhe shërbimet specifike sektoriale të qeverisjes vendore. Për më tepër, nuk ka ekzistuar ndonjë proces i institucionalizuar dhe i rregullt konsultimi me zyrtarët e NJVV-ve për identifikimin e nevojave për trajnime apo për përmbajtjen e kurrikulave të trajnimit, veçanërisht ato sektoriale.

ASPAs dhe institucione të tjera shtetërore kanë ofruar një grup shërbimesh trajnimi për NJVV-të sipas parashikimeve ligjore, por ato mbeten të pamjaftueshme përkundrejt sfidave që NJVV-të përballen dhe pritet që të përballen në kuadër të procesit të integritimit në BE.

Për pasojë, NJVV-të nuk kanë arritur të plotësojnë nevojat specifike të punonjësve të tyre, duke krijuar një hendek të madh në përmbushjen e kërkesave për trajnim dhe kjo ka sjell në pah nevojën për një qasje më strategjike dhe të integruar dhe një strukturë të qëndrueshme për zhvillimin e kapaciteteve dhe kualifikimin profesional të zyrtarëve të NJVV-ve, në mënyrë që ato të përmbushin kërkesat në rritje për shërbime cilësore të vetëqeverisjes vendore.

Numri i zyrtarëve të NJVV-ve ka ardhur në rritje, nga rreth 21,442 (2015), në rreth 32,000 (2021), 37,518 (2022), dhe rreth 39,000 (2023), ku të zgjedhurit vendorë dhe punonjësit jashtë shërbimit civil përbëjnë shumicën e zyrtarëve të NJVV-ve, rreth 85% (*Ëhite Paper për Akademinë-2024*). Pavarësisht rritjes së numrit të zyrtarëve të NJVV-ve, mbështetja financiare e NJVV-ve për trajnimet e tyre mbetet e ulët.

Por ndërkohë që numri i zyrtarëve të NJVV-ve dhe nevoja e tyre për trajnim ka ardhur në rritje, asnjë strukturë nuk ka pasur mandatin apo kapacitetin për të trajnuar në mënyrë të plotë, praktike dhe në kohën e duhur të zgjedhurit vendorë, nëpunësit civil dhe punonjësit e institucioneve e ndërmarrjeve në varësinë e NJVV-ve.

III. Koncepti, procesi, aktorët dhe modalitetet për ngritjen e Akademisë për Njësitë e Vetëqeverisjen Vendore.

Ngritja e Akademisë për Qeverisjen Vendore, si një strukturë të dedikuar për trajnim e zyrtarëve të NJVV-ve, përfaqëson realizimin e një nisme të kahershme dhe një kërkesë të artikuluar e lobuar prej vitesh nga NJVV-të, me synimin për të përmbushur nevojat e mëdha dhe në rritje për aftësimin dhe kualifikimin e të gjithë zyrtarëve të tyre.

Vizioni për të ngritur një strukturë të dedikuar për trajnimin e zyrtarëve të NJVV-ve u materializua në Strategjinë Ndërsektoriale për Decentralizimi dhe Qeverisjen Vendore 2023-2030 miratuar me VKM nr. 252, datë 20.4.2023, dhe u mbështet nga grupi ndër-institucional të punës të ngritur me urdhër të Kryeministrit (Janar 2023), dhe në takimet e të cilit morën pjesë morën pjesë aktive edhe shoqatat e NJVV-ve. Procesi i diznejimit të Akademisë u mbështet me ekspertizë të huaj dhe vendase, të financuar nga Qeveria Svicerane dhe Qeveria Suedeze, u realizua në konsultim me kryetarë të bashkive dhe të këshillave bashkiakë të spektrit të ndryshëm politik si dhe me kryetarë të këshillave të qarqeve. Procesi i diznejimit të Akademisë u realizua me përfshirjen e zyrës së Këshillit të Evropës në Tiranë dhe me praninë e zyrës së Komisionit Evropian në Tiranë dhe të donatorëve të tjerë. Për diznejimin e Akademisë u morën parasysh 10 modele të shkollave dhe qendrave të trajnimit për administratën publike në Evropë dhe në rajon, si dhe modele të qendrave të trajnimit në Shqipëri. Ndërkohë, me shkresën nr. 532 prot., datë 18.09.2024 Agjencia për Mbështetjen e Vetëqeverisjes Vendore (AMVV) ju drejtua 61 kryetarëve të bashkive, duke kërkuar konfirmimin për përfshirjen në buxhetin e vitit 2025 të kontributit financiar të secilës bashki për të mbështetur trajnimet e zyrtarëve të tyre përmes një strukture të dedikura dhe në bazë të numrit të punonjësve të tyre.

Nga ana e NJVV-ve dhe në funksion të realizimit të iniciativës për ngritjen e Akademisë, Asambleja e Përgjithshme e Shoqatës së Bashkive, me vendimin e saj të datës 04.09.2024, dakortësoi angazhimin e bashkive të Shqipërisë për mbështetjen e kësaj iniciative, si dhe për bashkëfinancimin e Akademisë në vlerën 50% të shpenzimeve operationale dhe të trajnimeve.

Në vijim të këtyre iniciativave, Grupi Ndër-institucional i Punës miratoi Dokumentin e Politikës (Ëhite Paper) për Akademinë (Shtator 2024), dokument që më pas u miratua nga Këshilli Konsultativ Qeveri Qendrore - Qeveri Vendore (Dhjetor 2024). .

Në përgjigje të angazhimit të Qeverisë së Shqipërisë për të mbështetur ngritjen e Akademisë si dhe të mbështetjes së shoqatave të NJVV-ve për ngritjen e Akademisë, këshillat bashkiakë konfirmuan njëzëri mbështetjen e tyre për nevojën e ngritjes së Akademisë, përmes miratimit të një fondi për trajnimet e zyrtarëve të bashkisë e që do t'i vihej në dispozicion Akademisë në momentin e regjistrimit të saj. Ky angazhim financiar përbën një shprehje e vullnetit të fortë të bashkive për ngritjen dhe financimin e Akademisë, si dhe përbën një element të rëndësishëm për avancimin e procesit të ngritjes së subjektit të kompetencave të përbashkëta (SKP).

Akademia që propozohet të ngrihet si personi juridik subjekt i kompetencave të përbashkëta, do të ofrojë një gamë të gjerë shërbimesh për të mbështetur dhe përmirësuar kapacitetet e NJVV-ve në Shqipëri duke përfshirë hartimin e kurrikulave dhe ofrimin e trajnimeve të specializuara, administrimin e platformës për menaxhimin dhe ndarjen e njohurive mes zyrtarëve të NJVV-ve, rrjetëzimin dhe bashkëpunimin mes tyre, ofrimi i ekspertizës dhe shërbimeve të konsulencës ndaj NJVV-të për zgjidhjen e problemeve dhe arritjen e objektivave në lidhje me zhvillimin e burimeve të tyre njerëzore.

Ngritja e Akademisë është thelbësore për t'i mundësuar NJVV-ve përballimin e sfidave për rritjen e cilësisë së jetës, zhvillim të qëndrueshëm të territorit dhe komuniteteve vendore si dhe sfidave që po sjell procesi i integritetit të Shqipërisë në BE. Vlerësohet se 70% e *acquis* zbatohet nga qeveritë vendore dhe rajonale dhe NJVV-të do të kenë një rol të rëndësishëm në këtë proces, dhe kjo është arsyeja pse niveli i njohurive dhe aftësive të zyrtarëve të NJVV-ve, për të përballuar këto procese, merr një rëndësi të veçantë.

Synohet që ofrimi i trajnimeve të përfshijnë tema specifike dhe sektoriale “vertikale” që lidhen me funksionet e NJVV-ve dhe me rreth 41 shërbimet e vetëqeverisjes vendore të tilla si Zhvillimi i Territorit, Infrastruktura dhe Shërbimet Publike, Shërbimet Sociale; Mbrojtja e Mjedisit; Bujqësia; Zhvillimi Rural; Pyjet dhe Kullotat Publike; Zhvillimi Ekonomik Vendor, Siguria Publike, etj. Programet e trajnimit do të hartohen bazuar në vlerësimin e nevojave për trajnim, do të jenë paktike dhe dinamike, ndërkohë që hartimi i kurrikulave dhe dhënja e trajnimeve do të koordinohet me ASPA për të evituar mbivendosje të trajnimeve të ofruara.

Përfituesit kryesorë të shërbimeve janë nëpunësit civilë dhe punonjësit e institucioneve dhe ndërmarrjeve në varësi të NJVV-ve, si dhe të zgjedhurit vendorë, që përbëjnë rreth 39,000 persona. Kjo përfshirje e gjerë ndihmon në përmirësimin e performancës së qeverisjes vendore dhe në rritjen e cilësisë së shërbimeve për qytetarët.

Nga pikëpamja organizimit dhe funksionimit, projektvendimi krijon premisat e nevojshme ligjore për krijimin e një personi juridik si subjekt të kompetencave të përbashkëta në përputhje me parashikimet e Ligjit nr.139/2015, neni 14 (5). Kështu, dy ose më shumë njësi të vetëqeverisjes vendore, brenda një qarku apo midis qarqeve të ndryshme, si dhe me institucione të qeverisjes qendrore, mund të lidhin marrëveshje të përbashkët për krijimin e një personi juridik të ndarë nga palët, të cilit i japin autoritet dhe kompetenca të caktuara. Në kuptimin e këtij ligji, ky person juridik quhet subjekt i kompetencave të përbashkëta. Për secilën palë përcaktohet ndihmesa financiare, ndihmesa me shërbime, ndihmesa me pajisje dhe me punonjës të kualifikuar ose çdo aset tjetër i nevojshëm për përmbushjen e objektivave.

Ligji parashikon të drejtën për të krijuar person juridik dhe në linjë me parashikimet e Kodit Civil (nenet 24 dhe 26), personi juridik mund të jetë edhe shoqëri, shoqatë, fondacion dhe ent me karakter privat, të cilat e fitojnë personalitetin juridik në mënyrën e caktuar nga ligji.

Nisur nga fakti që në këtë subjekt të kompetencave të përbashkëta angazhohen të ndërliken dhe ndërveprojnë nivele të ndryshme të qeverisjes (qendrore dhe vendore), propozohet të krijohet një Organizatë Jo-Fitimprurëse (OJF) në përputhje me Ligjin nr.8788/2001 “Për organizimin dhe funksionimin e OJF-ve”, ndryshuar. Ky opsion ka të njëjtën referencë ligjore si modeli i SHA-ve të Ujësjellës-Kanalizimeve, dhe ofron pavarësi në vendimmarrje dhe financim.

Kjo bazë ligjore mundëson krijimin e një OJF-je që garanton pavarësinë qeverisëse, funksionale, financiare dhe akademike, si dhe siguron qëndrueshmërinë afatgjatë të saj, lejon fleksibilitet në mbledhjen dhe menaxhimin e fondeve nga burime të ndryshme përfshirë donatorët, ndërkohë që garanton përfshirje të barabartë të aktorëve të qeverisë qendrore dhe atyre vendore në qeverisjen, politikëbërjen, vendimmarrjen dhe financimin e saj.

Stategjia decentralizimit

Themelimi i OJF-së si subjekt i kompetencave të përbashkëta midis qeverisjes qendrore dhe NJVV-ve, përmes aktit themelues dhe statutit, kërkon në të njëjtën kohë miratimin nga të gjithë këshillat bashkiakë dhe këshillat e qarqeve të marrëveshjes për anëtarësimin në Akademi, SKP në formë OJF-je, si dhe nënshkrimin e kësaj marrëveshje nga ministri përgjegjës për çështjet vendore sipas autorizimit të dhënë nga Këshilli i Ministrave i Republikës së Shqipërisë përmes VKM 405 dt.16.07.2025 “Për autorizimin e ministrit përgjegjës për çështjet vendore për negociimin dhe nënshkrimin e marrëveshjes me njësitë e vetëqeverisjes vendore për krijimin e personit juridik si subjekt i kompetencave të përbashkëta me njesite e vetëqeverisjes vendore për rritjen e kapaciteteve të qeverisjes vendore të republikës së shqipërisë”. Sipas këtij vendimi, Këshilli i Ministrave ka marrë angazhimin të mbështesë financiarisht Akademinë përmes mbulimit të kostove fillestare të themelimit të saj si subjekt i kompetencave të përbashkëta, si dhe të financojë jo më pak se 50% të kostove operacionale të funksionimit të Akademisë për tri vitet e para të funksionimit për përmbushjen e objektivave të saj.

Hapi vijues në këtë proces është miratimi i marrëveshjes nga këshillat bashkiakë dhe këshillat e qarqeve përkatëse, në përputhje me parashikimet e ligjit nr. 139/2015, i ndryshuar. Pas përfundimit të këtij procesi të miratimit, do të vijohet me regjistrimin e personit juridik në Gjykatën e Juridiksionit të Përgjithshëm Tiranë, në përputhje me dispozitat e ligjit nr. 8788/2001, “Për organizimin dhe funksionimin e OJF-ve”, të ndryshuar.

IV. Propozimi për ngritjen e Akademisë për Njësitë e Vetëqeverisjes Vendore.

Për sa më sipër, dhe në mbështetje të nenit 2, pika 1, nenit 8, pika 2, nenit 9, pika 1, nënpika 1.1, shkronja “b” dhe nënpika 1.6, shkronja “b”, nenit 14 pika 5, nenit 54, shkronja “d” dhe “gj”, nenit 55, pikat 3, të ligjit nr. 139/2015, “Për vetëqeverisjen vendore” (i ndryshuar), Ligjit Nr. 8548, datë 11.11.1999 “Për ratifikimin e Kartës Evropiane të Autonomisë Vendore”, Ligjit nr. 8788, datë 07.05.2001 “Për organizatat jofitimprurëse” (i ndryshuar), Vendimin e Këshillit të Ministrave Nr. 405, datë 16.07.2025 “Për autorizimin e ministrit përgjegjës për çështjet vendore për negocimin dhe nënshkrimin e marrëveshjes me njësitë e vetëqeverisjes vendore për krijimin e personit juridik si subjekt i kompetencave të përbashkëta me njësitë e vetëqeverisjes vendore, për rritjen e kapaciteteve të qeverisjes vendore të Republikës së Shqipërisë”, i propozojmë Këshillit Bashkiak si më poshtë vijon:

1. Të miratojë marrëveshjen për krijimin e personit juridik si subjekt i kompetencave të përbashkëta (SKP), në formën e organizatë jofitimprurëse me anëtarësi, midis njësive të vetëqeverisjes vendore të Republikës së Shqipërisë dhe Këshillit të Ministrave të Republikës së Shqipërisë për rritjen e kapaciteteve të qeverisjes vendore të Republikës së Shqipërisë, bazuar në statutin dhe aktin e themelimit bashkëlidhur këtij vendimi, të quajtur “Akademia e Trajnimit të Njësive të Vetëqeverisjes Vendore të Republikës së Shqipërisë (TALGA)”.

TALGA do të ketë si mision zhvillimin dhe kualifikimin profesional të qëndrueshëm të zgjedhurve, nëpunësve civilë dhe punonjësve të tjerë të njësive të vetëqeverisjes vendore, përfshirë punonjësit e institucioneve dhe ndërmarrjeve në varësi, me qëllim rritjen e performancës profesionale të tyre për t’i shërbyer cilësisht komuniteteve, për të përmbushur funksionet dhe kompetencat ligjore të njësive të vetëqeverisjes vendore (NJVV), si dhe për të përballuar me sukses sfidat e NJVV-ve në procesin e integritetit të Shqipërisë në Bashkimin Evropian. Në kuadër të misionit të saj TALGA bën vlerësim të nevojave për trajnim, harton programe trajnimi dhe planet e trajnimeve, administron dhënjen e trajnimeve të vazhdueshme dhe të tjera, përcakton kriteret dhe bën përzgjedhjen e pjesëmarrësve në trajnime, krijon rrjetet e zyrtarëve vendorë për shpërndarjen e njohurive dhe praktikave të mira, administron një platformë të menaxhimit dhe ndarjes së njohurive për zyrtarët e NJVV-ve dhe të interesuar në sektorin e qeverisjes vendore, harton dhe zbaton projekte dhe aktivitetet në fushën e veprimtarisë së TALGA, ofron ekspertizë dhe shërbime konsulence ndaj NJVV-ve, bashkëpunon me organizata homologe dhe partnerë të ndryshëm për realizimin emisionit të saj, kryen studime dhe zhvillon dokumente politikash në fushën e zhvillimit të kapaciteteve të zyrtarëve të NJVV-ve

2. Të miratojë aktin e themelimit të TALGA-s dhe përfaqësimin e Bashkisë Berat në TALGA (SKP), sipas përcaktimeve të statutit të TALGA-s dhe të marrëveshjes bashkëlidhur;
3. Të miratojë efektet financiare të anëtarësimit të Bashkisë Berat si anëtare e TALGA (SKP) dhe detyrimin përkatës të pagesës vjetore të kuotës së anëtarësisë, nga fondi i parashikuar për shpenzime korrente në buxhetin e vitit 2025 dhe në Programin Buxhetor Afatmesëm 2025–2027, dhe në shumën e përlllogaritur në përputhje me planin e financimit të përbashkët të Këshillin të Ministrave dhe të NJVV-të e tjera anëtare dhe vendimit përkatës së Asamblesë të Përgjithshme të TALGA. Konkretisht për vitin 2025 është parashikuar trajnimi për 102 punonjës dhe shuma për financim nga bashkia është 571,456 lekë, për vitin 2026 është parashikuar të trajnohen 194 punonjës dhe shuma e përlllogaritur për financim nga bashkia është 836,426 lekë, për vitin 2027 është parashikuar trajnimi për 233 punonjës dhe shuma e përlllogaritur për financim nga bashkia është 934,240 lekë.

Efektet financiare për anëtarësimit dhe detyrimet e pagesave vjetore ndaj TALGA, për tri vitet e para e në vijim, do të përballohen nga të ardhurat e veta të bashkisë.

4. Të autorizojë Kryetarin e Bashkisë Berat të nënshkruajë marrëveshjen ndërmjet ministrit përgjegjës për çështjet vendore, i autorizuar me Vendimin e Këshillit të Ministrave Nr. 405 dt. 16.07.2025 *“Për autorizimin e ministrit përgjegjës për çështjet vendore për negocimin dhe nënshkrimin e marrëveshjes me njësitë e vetëqeverisjes vendore për krijimin në krijimin e personit juridik si subjekt i kompetencave të përbashkëta me vetëqeverisjen vendore për rritjen e kapaciteteve të qeverisjes vendore të Republikës së Shqipërisë”* dhe njërive të vetëqeverisjes vendore për krijimin e subjektit të kompetencave të përbashkëta “Akademia e Trajnimit të Njërive të Vetëqeverisjes Vendore të Republikës së Shqipërisë (TALGA)”, sipas tekstit të marrëveshjes bashkëlidhur këtij vendimi, si dhe të ndërmarrë të gjitha veprimet ligjore dhe administrative dhe të nënshkruajë të gjitha dokumentet administrative për regjistrimin, ngritjen dhe funksionimin e TALGA-s, në përputhje me Statutin dhe Aktin e Themelimit, bashkëlidhur këtij vendimmi, si dhe vendimeve të Asamblesë të TALGA--s;
5. Të autorizojë Kryetarin e Bashkisë të përfaqësojë Bashkinë Berat në organet vendimmarrëse, ekzekutive dhe organe të tjera të ngritura me vendim të Asamblesë së Përgjithshme të TALGA, si dhe të realizojë çdo veprim tjetër për zbatimin e kësaj marrëveshjeje dhe për përmbushjen e detyrimeve që i ngarkohen Bashkisë Berat nga kjo marrëveshje, në përputhje me Statutin dhe vendimet e Asamblesë të TALGA-s.

KRYETARI I BASHKISE

I KOMANDUAR

Ervin CECA



REPUBLIKA E SHQIPËRISË
BASHKIA BERAT

RELACION

MBI MIRATIMIN E TARIFAVE PËR HUMBJEN E KARTËS SË ABONIMIT DHE HUMBJEN E BILETËS SE PARKIMIT , NË PARKIMET PUBLIKE : “PARKIMI GORICË ” DHE “PARKIMI LINDOR I GORICËS”.

Të nderuar Këshilltarë!

Bashkia Berat ka në pronësi dy ambiente publike pranë Urës së Goricës, “Parkimi Goricë” i cili është ndërtuar në kuadër të projektit “Rehabilitimi i siluetës urbane në lagjen Goricë” me 63 vende parkimi, gjithashtu është duke krijuar edhe Parkimin publik në pjesën lindore të Goricës (pranë restorant “Dhelpra”) me 32 vende parkimi.

Në kto parkime përdoruesit pajisen me:

- Kartë abonimi (për përdoruesit abonentë);
- Biletë parkimi (për përdoruesit rastësorë).

Në rastet e humbjes së kartës së abonimit ose biletës së parkimit, aktualisht nuk ka tarifa të përcaktuara . Kjo mungesë krijon vështirësi administrative dhe mundësi abuzimi nga përdoruesit, duke sjellë humbje të të ardhurave,

Për të mbuluar kostot e administrimit, të riprodhimit të kartës/biletës dhe për të disiplinuar përdoruesit, propozohet vendosja e këtyre tarifave:

1. Tarifa për humbjen e kartës së abonimit: 1,000 (një mijë) lekë;
2. Tarifa për humbjen e biletës së parkimit: 2,000 (dy mijë) lekë.

Ne vijim të VKB nr.86 datë 17.10.2024 mbi miratimin e parkimeve publike dhe tarifave të parkimeve në parkimet publike “ Parkimi Goricë” dhe “Parkimi Lindor i Gorices” ju propozojmë miratimin e dy tarifave më sipër,. Tarifat janë të natyrës rregullatore dhe do të mundësojë rregullimin e situatës aktuale dhe zbatimin e një procedure të qartë, duke mbrojtur interesat financiare të Bashkisë.

Faleminderit

KRYETARI I BASHKISË
Ervin CECA



REPUBLIKA E SHQIPËRISË
BASHKIA BERAT
DREJTORIA E INTEGRIMIT EVROPIAN DHE PROJEKTEVE

RELACION

MBI MIRATIMIN E PLANIT TË INTEGRITETIT TË BASHKISË BERAT.

Të nderuar këshilltarë!

Bashkia Berat është angazhuar në hartimin e Planit të Integritetit si një mundësi për të rritur njohuritë dhe aftësitë institucionale, për të identifikuar dhe vlerësuar risqet e cenueshmërisë së integritetit, si dhe për të ndërtuar instrumente efektive që forcojnë rezistencën institucionale ndaj shkeljeve të integritetit dhe korrupsionit.

Plani i Integritetit përfaqëson një dokument të rëndësishëm strategjik dhe operacional, i cili shërben si një instrument praktik për forcimin e integritetit institucional dhe luftën kundër korrupsionit në nivel lokal. Përmes këtij plani, identifikohen, vlerësohen dhe adresohen risqet që lidhen me proceset kryesore të punës së institucionit, me fokus në parimet e transparencës, llogaridhënies, efektivitetit, efikasitetit dhe pjesëmarrjes qytetare.

Plani i Integritetit 2025–2028 i Bashkisë Berat është përgatitur me pjesëmarrjen e të gjithë stafit të bashkisë, të udhëhequr nga Grupi i Punës me mbështetjen e Agjencisë për Mbështetjen e Vetëqeverisjes Vendore (AMMV).

Ky dokument është ndërtuar mbi përvojat dhe mësimet e nxjerra nga Plani i mëparshëm i Integritetit 2021–2024, duke ndjekur Metodologjinë e Vlerësimit të Riskut për Njësitë e Vetëqeverisjes Vendore (MVRI), të zhvilluar nga IDM (2021).

Procesi ka qenë gjithëpërfshirës dhe ka përfshirë:

- Fokus-grupe me stafin e bashkisë në nivele dhe sektorë të ndryshëm,
- Vetëvlerësim institucional përmes pyetësorëve,
- Rishikim të kuadrit të brendshëm rregullator,
- Analizë të dokumenteve strategjike dhe studimeve ekzistuese.

Të gjitha këto elemente kanë ndihmuar në identifikimin e fushave me cenueshmëri të lartë ndaj shkeljeve të integritetit dhe në përcaktimin e masave përkatëse parandaluese. Ju ftojme të votoni dhe miratoni Planin e Integritetit të Bashkisë Berat 2025–2028, sipas dokumentit të bashkangjitur.

Faleminderit për vëmendjen dhe bashkëpunimin tuaj!

KRYETARI I BASHKISË

Ervin Ceca



REPUBLIKA E SHQIPËRISË

REPUBLIKA E SHQIPËRISË

BASHKIA BERAT

RELACION

**"PËR MIRATIMIN E PLANIT TË ARSIMIT PARAUNIVERSITAR TË
BASHKISË BERAT 2026–2028"**

Të nderuar Këshilltarë,

Bazuar në nenin 8 pika 2, nenin 9 pika 1/1.1 gërma “b”, nenin 23 pika 12, nenin 24 pika 1, nenin 54 gërma “k”, neni 55 pikat 2 dhe 6 të Ligjit nr. 139/2015 “Për Vetëqeverisjen Vendore”, të ndryshuar, si dhe Ligjin nr. 69/2012 “Për sistemin arsimor parauniversitar në Republikën e Shqipërisë”, të ndryshuar, **paraqesim për miratim Planin e Arsimit Parauniversitar të Bashkisë Berat 2026–2028.**

Ky plan përbën një **instrument strategjik** i ndërtuar mbi një analizë të detajuar të realitetit lokal dhe të sfidave që has sistemi arsimor parauniversitar në territorin e bashkisë sonë. Plani u përgatit nga Grupi i Punës për Hartimin e Planit të Arsimit Parauniversitar, i ngritur nga Kryetari i Bashkisë me Urdhër Nr 309, dt 07.05.2025 , si dhe **me mbështetjen e Shoqates per Autonomi Vendore.**

Plani synon të garantojë aksesin, cilësinë dhe gjithëpërfshirjen në të gjitha institucionet arsimore (38 kopshte, 36 shkolla te arsimit baze dhe te mesem, 2 konvikte dhe 1 QKF +1 Qender Rinore).

Sfidat kryesore të identifikuara janë:

- Përmirësimi i mëtejshëm i kushteve të higjienës, sigurisë dhe mbrojtjes në institucionet arsimore, duke ndjekur një plan të detajuar emergjencash.
- Forcimi i kapaciteteve njerëzore mbështetëse, si mësues ndihmës, psikologë , punonjës socialë dhe punonjës mbështetës, për arsimin parashkollor sidomos në zonat rurale.
- Modernizimi i mëtejshëm i infrastrukturës ekzistuese dhe pajisjes me mjete didaktike bashkëkohore.
- Mbështetja e vazhdueshme për grupet vulnerabël, përfshirë fëmijët romë, egjiptianë, me nevoja të veçanta dhe në rrezik social.
- Rritja e mëtejshme e aksesit dhe pjesëmarrjes së fëmijëve në aktivitete kulturore dhe edukative jashtëmësimore.

Plani përmban këto elemente kyçe:

- ✓ Vizioni
- ✓ Qëllimet strategjike dhe objektivat
- ✓ Investimet kapitale të planifikuara për periudhën 2026–2028
- ✓ Mekanizmat e monitorimit dhe vlerësimit

VIZIONI

Të ndërtojmë një mjedis edukues gjithëpërfshirës, të sigurt dhe frymëzues për çdo fëmijë dhe të ri në territorin e Bashkisë Berat – ku arsimi, përkujdesja, mirërritja dhe zhvillimi kulturor bashkohen në shërbim të potencialit të tyre të plotë, përmes institucioneve me standarde të larta, staf të përkushtuar dhe infrastrukturë cilësore e të qëndrueshme.

QËLLIMET DHE OBJEKTIVAT

Qëllimi 1: Të garantohet një mjedis i sigurt, funksional dhe gjithëpërfshirës për çdo institucion arsimor përmes **mirëmbajtjes sistematike dhe investimeve të orientuara drejt standardeve bashkëkohore.**

Objektivi 1.1 – Ofrimi i shërbimeve mbështetëse në mënyrë të vazhdueshme dhe efektive.

Objektivi 1.2 Përmirësimi i kushteve fizike dhe funksionale të institucioneve arsimore

Qëllimi 2: Të sigurohet zhvillimi i plotë emocional, social dhe kognitiv i çdo fëmije, ne arsimin parashkollor përmes shërbimeve edukative të personalizuara, mbështetjes psiko-sociale dhe përkujdesjes së integruar.

Objektivi 2.1 Përmirësimi i cilësisë së edukimit dhe gjithëpërfshirjes në institucionet parashkollore.

Objektivi 2.2 – Fuqizimi i shërbimeve psiko-sociale dhe mbështetëse për fëmijët dhe familjet në nevojë.

Qëllimi 3: Të promovohet zhvillimi i talenteve dhe aftësive të fëmijëve përmes veprimtarive jashtëmësimore që forcojnë shëndetin, krijimtarinë, bashkëpunimin dhe ndjenjën e përkatësisë në komunitet.

Objektivi 3.1 – Organizimi i veprimtarive kulturore, sportive dhe ndërgjegjëse për përfshirjen aktive të fëmijëve në komunitet.

INVESTIMET E PARASHIKUARA 2026-2028 DHE BURIMET FINANCIARE

Plani parashikon një sërë investimesh të dedikuara për periudhën 2026–2028, përfshirë:

- Rikonstrukcionin e 13 kopshteve dhe shkollave.
- Modernizimin e sistemit të ngrohjes dhe sigurisë.
- Pajisje didaktike dhe materiale mësimore
- Lidhje me internet dhe mjete digjitale edhe për arsimin parashkollor
- Përmirësim të kushteve sanitare dhe të aksesit fizik në zonat rurale.

Burimet financiare do të mbështeten në:

- Buxhetin vendor të Bashkisë Berat.
- Transfertat e pakushtëzuara dhe specifike nga qeveria qendrore.
- Mbështetjen e partnerëve të zhvillimit dhe organizatave donatore.

MONITORIMI DHE VLERËSIMI

Plani përmban:

- o Mekanizma të qartë të monitorimit.
- o Indikatorë matës të progresit dhe ndikimit.
- o Raportim vjetor dhe rishikim afatmesëm.
- o Përfshirje të aktorëve lokalë dhe komunitetit në procesin e vlerësimit.

Duke marrë parasysh përmbajtjen dhe rëndësinë e planit, kërkojmë miratimin e **Projekt-Vendimit për Planin e Arsimit Parauniversitar të Bashkisë Berat 2026–2028** si një dokument strategjik udhëheqës për garantimin e arsimit cilësor dhe gjithëpërfshirës në territorin tonë.

P.s. Ky dokument nuk është një plan veprimi apo plan përmirësimi i fokusuar në një fushë të caktuar të shërbimit arsimor. Ai përbën një plan strategjik, i cili përcakton shtyllat kryesore mbi të cilat Bashkia ushtron funksionet e saj në fushën e arsimit dhe edukimit, duke u mbështetur në standarde të përcaktuara. Ky plan do të shërbejë si bazë orientuese për hartimin e planeve të veprimit të posaçme për secilin prej objektivave strategjike

KRYETARI I BASHKISË

I KOMANDUAR

Ervin Ceca



BASHKIA BERAT
DREJTORIA E SHËRBIMIT SOCIAL

RELACION

**MBI PËRDORIMIN E FONDIT TË SHËRBIMIT SOCIAL, MBËSHTETJE
FINANCIARE NË RASTE FATKEQËSIE PËR TË NDJERËN ZNJ.DALLANDYSHE
GURI**

Drejtoria e Shërbimit Social dhe Drejtoria e Financës, bazuar në kërkesën e bërë nga **Saimir Guri** me nr. 2407 prot, datë 25.04.2025, mbështetur në ligjin nr.139/2015 “Për vetëqeverisjen vendore”, ligjin nr. 57/2019 “Për Asistencën Sociale në Republikën e Shqipërisë”, V.K.M-së nr. 597 , datë 04.09.2019, e ndryshuar, datë 29.12.2021, “Për përcaktimin e procedurave, të dokumentacionit dhe masës mujore të përfitimit të ndihmës ekonomike dhe përdorimit të fondit shtesë mbi fondin e kushtëzuar për ndihmën ekonomike” vendimit nr. 722, datë 11.11.2019 “, VKB-së nr.3, datë 27.01.2025 “Për miratimin e kriterëve të dhënies së ndihmës ekonomike nga fondi i kushtëzuar për bllok - ndihmën ekonomike deri në 6% dhe nga fondet e drejtorisë së Shërbimit Social”, VKB-së nr.108, datë 18.12.2024 “Per miratimin e buxhetit te vitit 2025 dhe PBA përfundimtare 2025-2027”, ligjin nr. 68/2017, datë 27.04.2017 “Për financat e vetëqeverisjes vendore” neni 4 pika 4, ligjin nr.121/2016 “Për Shërbimet e Kujdesit Shoqëror në Republikën e Shqipërisë”, vendim nr. 518, datë 03.10.2018 “Për procedurat e referimit e të menaxhimit të rastit, hartimin dhe përmbajtjen e planit individual të mbrojtjes, financimin e shpenzimeve për zbatimin e tij, si dhe zbatimin e masave të mbrojtjes”, ligjin nr. 22/2018 “Për Strehimin Social”,

JU RELATOI:

Të nderuar këshilltarë!

E ndjera **znj. Dallandyshe Guri**, anëtarë e komunitetit egjiptian, prej shumë vitesh ka jetuar vetëm me djalin e saj në lagjen “Kushtrim” në një banesë të vjetër. Djali ka qenë i vetmi që kujdesej për të gjatë këtyre viteve ku ajo ishte e sëmure nga sëmundje të ndryshme të moshës. Në muajin Prill 2025, pas një hemoragjie cerebrale znj. Guri, ka humbur jetën. I ndodhur përpara vështirësive ekonomike djali ka kërkuar menjëherë ndihmën e shërbimeve shoqërore për varrimin e nënës.Më pas ka drejtuar edhe një kërkesë zyrtare pranë drejtorisë së Shërbimit Social ku pasi jemi njohur me kërkesën kemi ngritur grupin e punës për identifikimin dhe vlerësimin e situatës social-ekonomike të familjes.



z.Saimir punon pranë subjektit Berat City Green – BCG ku siguron një pagë minimale e cila është e pamjaftueshme për të siguruar shpenzimet e varrimit të nënës së tij. Banon në një banesë të vjetër dhe në mungesë të kushteve minimale për të jetuar. Ai nuk ka asnjë të afërm apo mundësi tjetër financiare për të paguar shpenzimet e varrimit të nënës.

Duke u bazuar në historikun e rastit dhe në vlerësimin social, pamundësive financiare për të përballuar shpenzimet e varrimit, kërkesës së paraqitur nga **z.Saimir Guri**, drejtorja e Shërbimit Social, propozon të përballojë shpenzimet e varrimit, në shumën 50.000 (pesëdhjetë mijë) lekë.

Bashkëngjitur gjeni:

- 1.Certifikatë familjare.
- 2.Certifikata e vdekjes.
3. Kërkesën nga z.Saimir Guri.
4. Vërtetim page.
- 5.Certifikate familjare e z.Saimir Guri.
6. Faturë tatimore nga subjekti funeral.
- 7.Korespondenca me Shërbimin Social.

DREJTOR I SHËRBIMIT SOCIAL
Piro Xheblati



**BASHKIA BERAT
KËSHILLI BASHKIAK**

PROJEKT- VENDIM

Nr. _____ datë ____ / ____ /2025

**MBI PËRDORIMIN E FONDIT TË SHËRBIMIT SOCIAL, MBËSHTETJE
FINANCIARE NË RASTE FATKEQËSIE PËR TË NDJERËN ZNJ.DALLANDYSHE
GURI**

Këshilli Bashkiak në mbledhjen e datës ____ . ____ .2025, bazuar në relacionin e paraqitur nga Drejtoria e Shërbimit Social, mbështetur në ligjin nr.139/2015 “Për vetëqeverisjen vendore”, ligjin nr. 57/2019 “Për Asistencën Sociale në Republikën e Shqipërisë”, V.K.M-së nr. 597 , datë 04.09.2019, e ndryshuar, datë 29.12.2021, “Për përcaktimin e procedurave, të dokumentacionit dhe masës mujore të përfitimit të ndihmës ekonomike dhe përdorimit të fondit shtesë mbi fondin e kushtëzuar për ndihmën ekonomike” VKB-së nr.3, datë 27.01.2025 “Për miratimin e kriterëve të dhënies së ndihmës ekonomike nga fondi i kushtëzuar për bllok - ndihmën ekonomike deri në 6% dhe nga fondet e drejtorisë së Shërbimit Social”, VKB-së nr.108, datë 18.12.2024 “Per miratimin e buxhetit të vitit 2025 dhe PBA përfundimtare 2025-2027”, ligjin nr. 68/2017, datë 27.04.2017 “Për financat e vetëqeverisjes vendore” neni 4 pika 4, ligjin nr.121/2016 “Për Shërbimet e Kujdesit Shoqëror në Republikën e Shqipërisë”, vendim nr. 518, datë 03.10.2018 “Për procedurat e referimit të menaxhimit të rastit, hartimin dhe përmbajtjen e planit individual të mbrojtjes, financimin e shpenzimeve për zbatimin e tij, si dhe zbatimin e masave të mbrojtjes”, ligjin nr. 22/2018 “Për Strehimin Social”.

VENDOSI:

1. Miratimin e dhënies së ndihmës financiare të menjëhershme për përballimin e shpenzimeve në raste fatkeqësie, për të ndjerën znj. Dallandyshe Guri në shumën 50.000 (pesëdhjetë mijë) lekë.
2. Shuma prej 50.000 (pesëdhjetë mijë) lekë, do të përballohet nga buxheti i Drejtorisë së Shërbimit Social për vitin 2025.
3. Pagesa do të bëhet për llogari të Z.Saimir Guri, djali i së ndjerës që të mundësoj pagesën e shërbimit të varrimit.



4. Me ndjekjen dhe zbatimin e këtij vendimi ngarkohet Drejtoria e Financës dhe Drejtoria e Shërbimit Social.

KRYETARI I KËSHILLIT BASHKIAK

Evisa ÇELA

Këshilli Bashkiak e miratoi me: ____ Vota Pro, ____ Vota Kundër, ____ Vota Abstenim



**BASHKIA BERAT
KËSHILLI BASHKIAK**

VENDIM

Nr. _____ datë ____ / ____ /2025

**MBI PËRDORIMIN E FONDIT TË SHËRBIMIT SOCIAL, MBËSHTETJE
FINANCIARE NË RASTE FATKEQËSIE PËR TË NDJERËN ZNJ.DALLANDYSHE
GURI**

Këshilli Bashkiak në mbledhjen e datës ____ . ____ .2025, bazuar në relacionin e paraqitur nga Drejtoria e Shërbimit Social, mbështetur në ligjin nr.139/2015 “Për vetëqeverisjen vendore”, ligjin nr. 57/2019 “Për Asistencën Sociale në Republikën e Shqipërisë”, V.K.M-së nr. 597, datë 04.09.2019, e ndryshuar, datë 29.12.2021, “Për përcaktimin e procedurave, të dokumentacionit dhe masës mujore të përfitimit të ndihmës ekonomike dhe përdorimit të fondit shtesë mbi fondin e kushtëzuar për ndihmën ekonomike” vendimit nr. 722, datë 11.11.2019 “Për përcaktimin e masës, të kriterëve, procedurave dhe dokumentacionit për vlerësimin dhe përfitimin e aftësisë së kufizuar e të ndihmësit personal, dhe të strukturave përgjegjëse e të detyrave të tyre”, VKB-së nr.3, datë 27.01.2025 “Për miratimin e kriterëve të dhënies së ndihmës ekonomike nga fondi i kushtëzuar për bllok - ndihmën ekonomike deri në 6% dhe nga fondet e drejtorisë së Shërbimit Social”, VKB-së nr.108, datë 18.12.2024 “Per miratimin e buxhetit të vitit 2025 dhe PBA përfundimtare 2025-2027”, ligjin nr. 68/2017, datë 27.04.2017 “Për financat e vetëqeverisjes vendore” neni 4 pika 4, ligjin nr.121/2016 “Për Shërbimet e Kujdesit Shoqëror në Republikën e Shqipërisë”, vendim nr. 518, datë 03.10.2018 “Për procedurat e referimit e të menaxhimit të rastit, hartimin dhe përmbajtjen e planit individual të mbrojtjes, financimin e shpenzimeve për zbatimin e tij, si dhe zbatimin e masave të mbrojtjes”, ligjin nr. 22/2018 “Për Strehimin Social”.

VENDOSI:

1. Miratimin e dhënies së ndihmës financiare të menjëhershme për përballimin e shpenzimeve në raste fatkeqësie, për të ndjerën z. Kostandin Kolani në shumën 50.000 (pesëdhjetë mijë) lekë.
2. Shuma prej 50.000 (pesëdhjetë mijë) lekë, do të përballohet nga buxheti i Drejtorisë së Shërbimit Social për vitin 2025.



shërbimit të varrimit.

4. Me ndjekjen dhe zbatimin e këtij vendimi ngarkohet Drejtoria e Financës dhe Drejtoria e Shërbimit Social.

KRYETARI I KËSHILLIT BASHKIAK

Evisa ÇELA

Këshilli Bashkiak e miratoi me: ____ Vota Pro, ____ Vota Kundër, ____ Vota Abstenim



**REPUBLIKA E SHQIPËRISË
BASHKIA BERAT
DREJTORIA E SHËRBIMIT SOCIAL**

RELACION

**MBI PËRDORIMIN E FONDIT TË SHËRBIMIT SOCIAL, MBËSHTETJE
FINANCIARE NË RASTE TË VEÇANTA ZNJ. MARINELA TOMI PËR TË MITURIN
R.T.**

Këshilli Bashkiak në mbledhjen e datës _____.____.2025, bazuar në relacionin e paraqitur nga Drejtoria e Shërbimit Social, mbështetur në ligjin nr.139/2015 “Për vetëqeverisjen vendore”, ligjin nr. 57/2019 “Për Asistencën Sociale në Republikën e Shqipërisë”, V.K.M-së nr. 597, datë 04.09.2019, e ndryshuar, datë 29.12.2021, “Për përcaktimin e procedurave, të dokumentacionit dhe masës mujore të përfitimit të ndihmës ekonomike dhe përdorimit të fondit shtesë mbi fondin e kushtëzuar për ndihmën ekonomike” vendimit nr. 722, datë 11.11.2019 “Për përcaktimin e masës, të kriterëve, procedurave dhe dokumentacionit për vlerësimin dhe përfitimin e aftësisë së kufizuar e të ndihmës personal, dhe të strukturave përgjegjëse e të detyrave të tyre”, VKB-së nr.3, datë 27.01.2025 “Për miratimin e kriterëve të dhënies së ndihmës ekonomike nga fondi i kushtëzuar për bllok - ndihmën ekonomike deri në 6% dhe nga fondet e drejtorisë së Shërbimit Social”, VKB-së nr.108, datë 18.12.2024 “Per miratimin e buxhetit te vitit 2025 dhe PBA përfundimtare 2025-2027”, ligjin nr. 68/2017, datë 27.04.2017 “Për financat e vetëqeverisjes vendore” neni 4 pika 4, ligjin nr.121/2016 “Për Shërbimet e Kujdesit Shoqëror në Republikën e Shqipërisë”, vendim nr. 518, datë 03.10.2018 “Për procedurat e referimit e të menaxhimit të rastit, hartimin dhe përmbajtjen e planit individual të mbrojtjes, financimin e shpenzimeve për zbatimin e tij, si dhe zbatimin e masave të mbrojtjes”, ligjin nr. 22/2018 “Për Strehimin Social”, ligjin nr. 18/2017 “Për mbrojtjen të të drejtave të fëmijëve”.

JU RELATOI:

Të nderuar këshilltarë,

Familja Tomi, përbëhet nga katër anëtarë dhe jeton në fshatin Dyshnik, NJA Otllak, në banesë private së bashku me prindërit e bashkëshortit, banesë e përshtateshme për të jetuar. Strukturat e Shërbimit Social, administratoria shoqërore e NJA Otllak pasi administruan kërkesën e znj. Marinela Tomi nëna e fëmijës, kryhen vizitën në familje dhe vlerësuan nevojat imediate.



Familja ka një historik, të trashëgimit të sëmundjeve të rënda tek fëmijët ku prej këtyre sëmundje para dy viteve ka humbur jetën edhe një fëmijë tjetër i kësaj familje. Aktualisht ndodhet në kushte të vështira ekonomike – sociale, shëndetësore të fëmijës, ku asnjë prej prindërve nuk mund të punosohet pasi fëmija do kujdes të vecante dhe lëvizin shpesh herë në qytetin e Tiranës për ndjekje të terapive. Familja nuk është përfituese e ndihmës ekonomike, dhe të vetmin burim të ardhurash për familjen është ndihma që japin prindërit e bashkëshortit por e pamjaftueshme për të përballuar nevojat bazike dhe medikamentet e fëmijës së sëmurë. Fëmija R.K. bazuar në vendimin e Komisionit Bio-Psiko-Social është diagnostikuar me Tumor Cerebral dhe është përfitues me Vendimin e datës 01.08.2025 niveli i rëndë.

Prej pasojave të kësaj sëmundje fëmija nuk mundet ende të eci, ka vështirësi në ekuilibrin e kokës, nuk artikulon asnjë fjale. Pas vlerësimit nga komisioni Bio-Psiko-Social është rekomanduar për fillimin e terapive fizike dhe logopedi. Trajtimi shëndetësor i fëmijës ndiqet në qytetin e Tiranës dhe djali duhet të shkoj shpesh herë për terapi. Largësia fizike e qytetit të Tiranës nga vendbanimi, në pamundësi të sigurimit të pagesës së transportit e ka penguar edhe për ndjekjen e terapive në spitalin Onkologjik.

Të ndodhur në këto kushte dhe vështirësi, duke u bazuar dhe në kerkesën e bërë nga znj.Marinela Tomi, vlerësimin social-ekonomik mbi nevojat ekonomike dhe nevojën për kujdes shëndetësor të specializuar për fëmijën, nga strukturat e shërbimit social, kushtet ku jeton familja, propozojmë që znj.Marinela Tomi të mbështetet në masën 100.000 (njëqind mijë) lekë .

Bashkëngjitur gjeni:

1. Dokumentacion shëndetësor.
2. Çertifikatë familjare/ kopje të ID kartave .
3. Vendimin e komisionit bio-psiko-social.
4. Vlerësimi social-ekonomik nga administrator i N.E.
- 5.

DREJTORI I SHËRBIMIT SOCIAL

Piro Xheblati



**REPUBLIKA E SHQIPËRISË
BASHKIA BERAT
KËSHILLI BASHKIAK**

PROJEKT- VENDIM

Nr. _____ datë ____ / ____ /2025

**MBI PËRDORIMIN E FONDIT TË SHËRBIMIT SOCIAL, MBËSHTETJE
FINANCIARE NË RASTE TË VEÇANTA ZNJ. MARINELA TOMI PËR TË MITURIN
R.T.**

Këshilli Bashkiak në mbledhjen e datës ____ . ____ .2025, bazuar në relacionin e paraqitur nga Drejtoria e Shërbimit Social, mbështetur në ligjin nr.139/2015 “Për vetëqeverisjen vendore”, ligjin nr. 57/2019 “Për Asistencën Sociale në Republikën e Shqipërisë”, V.K.M-së nr. 597, datë 04.09.2019, e ndryshuar, datë 29.12.2021, “Për përcaktimin e procedurave, të dokumentacionit dhe masës mujore të përfitimit të ndihmës ekonomike dhe përdorimit të fondit shtesë mbi fondin e kushtëzuar për ndihmën ekonomike” vendimit nr. 722, datë 11.11.2019 “Për përcaktimin e masës, të kriterëve, procedurave dhe dokumentacionit për vlerësimin dhe përfitimin e aftësisë së kufizuar e të ndihmës personal, dhe të strukturave përgjegjëse e të detyrave të tyre”, VKB-së nr.3, datë 27.01.2025 “Për miratimin e kriterëve të dhënies së ndihmës ekonomike nga fondi i kushtëzuar për bllok - ndihmën ekonomike deri në 6% dhe nga fondet e drejtorisë së Shërbimit Social”, VKB-së nr.108, datë 18.12.2024 “Per miratimin e buxhetit të vitit 2025 dhe PBA përfundimtare 2025-2027”, ligjin nr. 68/2017, datë 27.04.2017 “Për financat e vetëqeverisjes vendore” neni 4 pika 4, ligjin nr.121/2016 “Për Shërbimet e Kujdesit Shoqëror në Republikën e Shqipërisë”, vendim nr. 518, datë 03.10.2018 “Për procedurat e referimit e të menaxhimit të rastit, hartimin dhe përmbajtjen e planit individual të mbrojtjes, financimin e shpenzimeve për zbatimin e tij, si dhe zbatimin e masave të mbrojtjes”, ligjin nr. 22/2018 “Për Strehimin Social”, ligjin nr. 18/2017 “Për mbrojtjen të të drejtave të fëmijëve”.

VENDOSI:

1. Miratimin e dhënies së ndihmës financiare të menjëhershme për përballimin e shpenzimeve në raste të veçanta, për shtetasen Marinela Tomi në shumën 100.000 (njëqind mijë) lekë .



2. Shuma prej **100.000 (njëqind mijë)** lekë do të përballohet nga buxheti i Drejtorisë së Shërbimit Social për vitin 2025.
3. Me ndjekjen dhe zbatimin e këtij vendimi ngarkohet Drejtoria e Financës dhe Drejtoria e Shërbimit Social.

KRYETARI I KËSHILLIT BASHKIAK

Evisa ÇELA

Këshilli i Bashkisë e miratoi me : ____ Vota Pro, ____ Vota Kunder ____, Vota Abstenim



**REPUBLIKA E SHQIPËRISË
BASHKIA BERAT
KËSHILLI BASHKIAK**

VENDIM

Nr. _____ datë ____/____/2025

**MBI PËRDORIMIN E FONDIT TË SHËRBIMIT SOCIAL, MBËSHTETJE
FINANCIARE NË RASTE TË VEÇANTA ZNJ. MARINELA TOMI PËR TË MITURIN
R.T.**

Këshilli Bashkiak në mbledhjen e datës _____.____.2025, bazuar në relacionin e paraqitur nga Drejtoria e Shërbimit Social, mbështetur në ligjin nr.139/2015 “Për vetëqeverisjen vendore”, ligjin nr. 57/2019 “Për Asistencën Sociale në Republikën e Shqipërisë”, V.K.M-së nr. 597, datë 04.09.2019, e ndryshuar, datë 29.12.2021, “Për përcaktimin e procedurave, të dokumentacionit dhe masës mujore të përfitimit të ndihmës ekonomike dhe përdorimit të fondit shtesë mbi fondin e kushtëzuar për ndihmën ekonomike” vendimit nr. 722, datë 11.11.2019 “Për përcaktimin e masës, të kriterëve, procedurave dhe dokumentacionit për vlerësimin dhe përfitimin e aftësisë së kufizuar e të ndihmës personal, dhe të strukturave përgjegjëse e të detyrave të tyre”, VKB-së nr.3, datë 27.01.2025 “Për miratimin e kriterëve të dhënies së ndihmës ekonomike nga fondi i kushtëzuar për bllok - ndihmën ekonomike deri në 6% dhe nga fondet e drejtorisë së Shërbimit Social”, VKB-së nr.108, datë 18.12.2024 “Per miratimin e buxhetit te vitit 2025 dhe PBA përfundimtare 2025-2027”, ligjin nr. 68/2017, datë 27.04.2017 “Për financat e vetëqeverisjes vendore” neni 4 pika 4, ligjin nr.121/2016 “Për Shërbimet e Kujdesit Shoqëror në Republikën e Shqipërisë”, vendim nr. 518, datë 03.10.2018 “Për procedurat e referimit e të menaxhimit të rastit, hartimin dhe përmbajtjen e planit individual të mbrojtjes, financimin e shpenzimeve për zbatimin e tij, si dhe zbatimin e masave të mbrojtjes”, ligjin nr. 22/2018 “Për Strehimin Social”, ligjin nr. 18/2017 “Për mbrojtjen të të drejtave të fëmijëve”.

VENDOSI:



1. Miratimin e dhënies së ndihmës financiare të menjëhershme për përballimin e shpenzimeve në raste të veçanta, për shtetasen Marinela Tomi në shumën 100.000 (njëqind mijë) lekë.
2. Shuma prej **100.000 (njëqind mijë)** lekë, do të përballohet nga buxheti i Drejtorisë së Shërbimit Social për vitin 2025.
3. Me ndjekjen dhe zbatimin e këtij vendimi ngarkohet Drejtoria e Financës dhe Drejtoria e Shërbimit Social.

KRYETARI I KËSHILLIT BASHKIAK

Evisa ÇELA

Këshilli i Bashkisë e miratoi me : ____ Vota Pro, ____ Vota Kunder ____, Vota Abstenim